

Tokić: Bošnjaci ka djeca u RS-u su izložena diskriminaciji u obrazovanju

01/09/2014 10:51 by Administrator

Sejfudin Tokić, kandidat za predsjednika Republike Srpske (RS), povodom nove školske godine, ističe da su bošnjaci ka djeca izložena diskriminaciji u pogledu prava na izučavanje maternjeg jezika, saopćio je danas Bošnjački pokret za ravnopravnost naroda.

"Izjava ministra Mutabdzije da je sve spremno za novu školsku godinu te da je bošnjačkoj djeci ponuđen maksimum tako što će npr. u osnovnoj školi koja nosi naziv 'Sveti Savo' djeca u starijem uzrastu moći učiti 'jezik bošnjačkog naroda' a u većini škola manjeg entiteta pisati samo ćirilicu i govoriti ekavicu, predstavlja ozbiljan atak na mir i stabilnost u BiH", smatra Tokić. Ističe da se "ovakava isključivost i diskriminacija nad djecom u BiH ne pamti ni iz kratkotrajne fašističke okupacije u vrijeme Drugog svjetskog rata". "Za bošnjački narod zastrašujuće djeluje da je ovaj 'ultimativni maksimum', prema navodima medija, roditeljima bošnjačke djece saopćio uz prisustvo potpredsjednika Skupštine RS -a iz reda bošnjačkog naroda i u njegovom kabinetu. Pokušaj resornog entitetskog ministra Gorana Mutabdzije da nesporno pravo na jezik, pismo i nacionalnu grupu predmeta bošnjačke djece u RS-u svede na pregovore o tom pravu, kontinuitet je velikosrpske strategije negiranja BiH i identiteta njenog matičnog bošnjačkog naroda", navodi on. Ocjenjuje da će pokušaj ministra i njegovih nalogodavaca da zabrane bosanski jezik kojim govori više od 60 posto stanovništva BiH prema posljednjem popisu iz 2013. godine, "doživjeti krah i sudbinu svih drugih nasilnika i okupatora BiH, koji su to pokušavali tokom njene historije u kratkim periodima svoje navodne velike moći". Tokić poziva sve Bošnjake i patriote Bosne i Hercegovine da njihovim glasanjem na predstojećim izborima u RS-u zaustave političke nasilnike te istovremeno uklone s političke scene "bošnjačke poslušnike u pokušaju provođenja velikosrpskih politika na tlu naše države", navedeno je u saopćenju.

Izvor vijesti: brzevijesti.ba